

Ժողովուրդ

36
(2702)

14 մարտի երեքշաբթի 2023
տպագրության ԺԲ տարի

Է. Երեւան, Արմավյան 22ա/3 (0010)

+ 374 10 546423

info.armlur@gmail.com, info.zhoghovurd@gmail.com

100 դրամ

ՆԻԿՈՒ ՓԱՇԻՆՅԱՆԸ ԽԱՔԵԼ Է



Մերժ Սարգսյանի մարտի 7-ի վերջին հարցազրույցից հետո «Հայկական ժամանակ»-ը հրապարակեց ծավալուն հոդված՝ փորձելով հերքել վերջինիս հայտարարությունները:

Բոլորին է հայտնի, որ «Հայկական ժամանակ» օրաթերթը պատկանում է Նիկոլ Փաշինյանի ընտանիքին: Հետաքրքիր է, որ հոդվածում խոսվում է (եւ, առհասարակ, Նիկոլ Փաշինյանը եւս խոսում է) Մերժ Սարգսյանի կողմից ձախողված բանակցային գործընթացի մասին այն դեպքում, երբ 2020 թվականին Կապանում Փաշինյանը հունվարյան ասուլիսում հայտարարեց, թե ցանկացած պահի կարող են վերադառնալ այդ ժառանգությանը, այն է՝ Արցախի միջանկյալ կարգավիճակ, Արցախի ժողովրդի ինքնորոշման իրավունքի միջազգային երաշխիքներ, Քելբաջարի եւ Լաչինի հայապատկանություն եւ այլն, եւ այլն: Արցախի մասին վարչապետի իրարամերժ եւ չիրականացված խոստումները բազմաթիվ են: 2016-ի սեպտեմբերի 10-ին Նա հայտարարում էր. «Քանի դեռ պաշտոնական Բաքուն հայտարարում է, թե Ստեփանակերտի վրա ադրբեջանական դրոշ պետք է ծածանվի, հայկական քաղաքական բառապաշարից փոխզույգում բառը պետք է արմատախիլ անել»: Այս հայտարարությունից հետո՝ 2022-ի ապրիլի 13-ին, ԱԺ ամբիոնից Փաշինյանը հայտարարում է ոչ միայն փոխզույգումների, այլեւ Արցախյան հարցի նշանո՞ղն իջեցնելու մասին: Այժմ այդպիսի հայտարարությունները կրկին առկա են:

«Ժողովուրդ» օրաթերթի տեղեկություններով՝ ՔՊ-ն այսօր երեկոյան Նիկոլ Փաշինյանի ասուլիսից հետո, վարչության նիստ է հրավիրելու: Նիստին մասնակցելու է Նաեւ վարչապետ Նիկոլ Փաշինյանը: Մեր տեղեկություններով՝ ՔՊ-ականները քննարկելու են Հայաստանի ու Արցախի շուրջ ստեղծված իրավիճակը: Բանն այն է, որ ՔՊ-ականներն իրենք էլ զգում են, որ մեր վիճակը, հատկապես՝ Արցախի հարցում, մեղմ ասած, հուսադրող չէ, իսկ Ադրբեջանի հետ բանակցությունները գնալով փակուղի են մտնում, արտաքին ֆրոնտում մարտահրավերները շատանում են: Հենց այս իրավիճակից էլ ներկայումս ՔՊ-ականները որոշել են առավել հաճախ հանդիպել Փաշինյանի հետ, որպեսզի անձամբ նրանից տեղեկանան զարգացումների մասին: Մեր տեղեկություններով՝ վարչության նիստում կքննարկվի Նաեւ պատգամավոր, ՔՊ վարչության անդամ Արսեն Թորոսյանի շուրջ ստեղծված իրավիճակը: Բանն այն է, որ ՔՊ-ականներին այս օրերին չի հաջողվում ԱԺ-ում «բռնացնել» Արսեն Թորոսյանին, նրանք կարող են Թորոսյանի գրառումները, ուստի հույս ունեն, որ Թորոսյանը կգա վարչության նիստին եւ պարզաբանումներ կտա, թե ինչպես է ստացվել, որ իր պաշտոնավարման ժամանակ կորուսվողուհի դեմ պայքարի անվան տակ մեծ թվով գումարներ են մտնում պետություն:



«Ժողովուրդ» օրաթերթի տեղեկությունների համաձայն՝ «Քաղաքացիական պայմանագիր» խմբակցության պատգամավոր, ՀՀ առողջապահության նախկին նախարար Արսեն Թորոսյանն իր գործունեության շուրջ իրավապահների ակտիվ քննչական գործողությունների հրապարակային դրսևորումներից հետո դիմել է ՀՀ վարչապետ Նիկոլ Փաշինյանին եւ հանդիպում խնդրել, սակայն մերժում է ստացել, ասել է թե՛ Նիկոլ Փաշինյանը նրան չի ընդունել: ՔՊ մեր աղբյուրների փոխանցմամբ՝ քաղաքական իշխանության մոտ առողջապահության նախկին նախարար, ԱԺ պատգամավոր Արսեն Թորոսյանին փորձում է փրկել ՀՀ նախագահ Վահագն Խաչատրյանը: Մյուս թիմակիցները, այդ թվում՝ Արսեն Թորոսյանի ընկեր, ՇՄ նախարար Հակոբ Սիմոնյանը, լուռ հետեւում են Թորոսյանի շուրջ կատարվող զարգացումներին: Ինչպես հայտնի է, մարտի 12-ին ՀՀ հակակոռուպցիոն կոմիտեն հայտնեց, որ Երեւանի փոխքաղաքապետ Գետրոգ Սիմոնյանը, «Մեղայն կլինիկ» ՍՊ ընկերության հիմնադիր տնօրեն Բաբկեն Շահումյանը կալնավորվել են, քանի որ պատշաճ չեն կատարել ծառայողական պարտականությունները, որի հետեւանքով էական վնաս է պատճառվել պետության օրինական շահերին: Տեսալու կալանքի տակ է ԱՆ «Թղթաբանության ազգային կենտրոն» ՓԲ ընկերության ղեղակալուն բաժանմունքի վարիչ Լուսինե Եղիազարյանը եւ եւս 8 անձ, որոնք «Մեղայն» բժշկական կենտրոնի աշխատակիցներ են եւ ունեն մեղադրյալի կարգավիճակ, սակայն առայժմ ազատության մեջ են: Վերջիններս եւս մեղադրվում են այն բանի համար, որ կորուսվողուհի հիվանդության համար պետության կողմից հատկացված ծրագրի շրջանակներում պատշաճ չեն կատարել իրենց պարտականությունները, ինչի արդյունքում խարդախության հափշտակվել է մոտ 120 միլիոն դրամ: Ամենազվազուրկ հարցը մնում է մեկը՝ երբ է նախաքննական մարմինը հասնելու նախկին նախարար Արսեն Թորոսյանին. ի վերջո, նախարարի հրամանն են կատարել աշխատակիցները: Բացի այդ, նկատենք, որ Հակակոռուպցիոն կոմիտեի տարածած հաղորդագրությամբ՝ փոխնախարար Գետրոգ Սիմոնյանին մեղադրվող արարքները կատարվել են ավելի շատ Անասիտ Ավանեսյանի պաշտոնավարման շրջանում (մոտ 11 ամիս), քան Արսեն Թորոսյանի դեպքում (7 ամիս): Տեղեկացնենք, որ նախաքննական մարմինն Արսեն Թորոսյանին մեղադրանք առաջադրելու հարցում դեռ չի շտապում, քանի որ այլ ուշագրավ բացահայտումներ էլ են արվել նրա գործունեության մասով՝ այլ դրվագներով: Թե ինչ, կներկայացնենք ավելի ուշ:



ՀՀ Ազգային ժողովի «Քաղաքացիական խմբակցության» պատգամավոր Սիսակ Գաբրիելյանի ներկայացրած «Լիցենզավորման մասին» օրենքում փոփոխություններ եւ լրացումներ կատարելու մասին օրենքների նախագծերի փաթեթը ներթափվել է փորձաքննության, եւ բացթողումներ են հայտնաբերվել: Այս նախագծերում փոփոխությանը պատգամավորն առաջարկում էր ամրագրել, որ որպես լիցենզավորման ենթակա գործունեության տեսակներ են նախատեսվում պայթուցիկ նյութերի եւ պայթեցման սարքավորումների արտադրությունը, ներմուծմանը զբաղվելու գործունեությունը, առետուրը, պահեստավորման, կիրառման եւ պայթեցման աշխատանքների կատարումը: Առաջարկում է ամրագրել, որ «Լիցենզավորման մասին» օրենքով սահմանված լիցենզավորման ենթակա գործունեությանը զբաղվելու համար պետք է գանձվի պետական տուրք, սակայն «Պետական տուրքի մասին» օրենքով համապատասխան լիցենզիա տրամադրելու համար պետական տուրք նախատեսված չէ: Ստացվում է՝ անհամապատասխանություններ կան պատգամավորի նախագծում, Նա առաջարկում է մի փոփոխություն անել օրենքում, որը հակասում է մյուս օրենքին: Միեւնույն ժամանակ իրավական փորձաքննության արդյունքներում նշվում է, թե հրագործական ապրանքների արտադրությունը, ներմուծումը նախատեսված է ոչ թե որպես ծանուցման ենթակա գործունեություն, այլ լիցենզավորման ենթակա գործունեություն: Արդյունքում անհասկանալի է՝ ինչպես հրագործական ապրանքների արտադրության, ներմուծման կամ առետուրի իրականացման ծանուցում ներկայացրած անձը նախագիծն ուժի մեջ մտնելուց հետո պետք է համարվի նույն տեսակի գործունեության իրականացման ծանուցում ներկայացրած անձ, եթե նախագծով համապատասխան գործունեությունը նախատեսվում է սահմանել լիցենզավորման ենթակա: Այլ թերություններ եւս մասնագետները գտել են Գաբրիելյանի նախագծում:



ՃԻՇՏ ՈՐՈՇՈՒՄ

ՈՂԲԵՐԳՈՒԹՅՈՒՆ ՉԵՄ ՏԵՄՆՈՒՄ

Հայաստանի արտոնադրության...



Ի՞նչ էք կարծում, Հայաստանի այս կտրուկ քայլը...

տական չի տալիս համառորեն: Մենք սպասում ենք...

«Ժողովուրդ» օրաթերթը Հայաստանի ՀԱԳԿ գլխավոր քարտուղարի...

Պարոն Խաչատրյան, որպես իշխող ֆրակցիայի...

ՌԿԿ-ի հետ կապված մանրամասներին չեմ տիրապետում...

ԼԻԱԶՈՐՈՒԹՅՈՒՆՆԵՐ

ԿՔՆՆԱՐԿԵՆ ՄԱՐՏԻ 20-Ի ՆԻՍՏԻՆ

Աժ ղեկավար-իրավական հարցերի մեծական հանձնաժողովը մարտի 20-ի...



հանջը խախտած դատավորի լիազորությունների դադարեցման վերաբերյալ...

«Աժ կանոնակարգ» սահմանադրական օրենքի համաձայն...



ՀԵՌԱՑՄԱՆ ՀԱՐՅՈՒ ՓԱԿԵԼ ԵՆ

«Ժողովուրդ» օրաթերթի տեղեկությունների համաձայն...

ԲՆԱԿՈՒԹՅՈՒՆՆԵՐ ՆԱԽԿԻՆ ՕԳՆԱԿԱՆԻ ՏԱՆԸ

«Ժողովուրդ» օրաթերթի տեղեկություններով Ռուբեն Վարդանյան...

ԻՐԱՎԻՃԱԿ

ՊԱՏԱՍԽԱՆ Է ՍՏԱՑԵԼ

ՊԱՐԵԿՆԵՐԸ ՆԱԽԱՊԵՍ ՀՐԱՂԱՆԳԱՎՈՐՎԵԼ ԵՆ

ՆՈՐ ՈԱԶՄԱՎԱՐՈՒԹՅՈՒՆ

ՀՀ արդարադատության նախարարությունը հանդես է եկել օրենսդրական նախաձեռնությամբ և ներկայացրել է Մարդու իրավունքների պաշտպանության ազգային ռազմավարությունից բխող 2023-2025 թվականների գործողությունների ծրագրի նախագիծը: ArmLur.am-ը տեղեկացավ, որ այն ներառում է առաջիկա 3 տարիների ընթացքում մարդու իրավունքների ոլորտում բարեփոխումներին ուղղված միջոցառումները:

Նախագծի մշակման անհրաժեշտությունը պայմանավորված է վերջին տարիներին Հայաստանի Հանրապետության սոցիալ-իրավական կյանքում տեղի ունեցած շրջադարձային փոփոխություններով, այդ թվում՝ միջազգային պարտավորություններից բխող հրատապ միջոցների ձեռնարկման կարելություններով և, ի վերջո, 2018թ. երկրում տեղի ունեցած թավշյա, ոչ բռնի, ժողովրդական հեղափոխության արդյունքում առաջ եկած առաջնահերթություններով:

Մարդու իրավունքների պաշտպանության նոր ռազմավարական փաստաթղթի ընդունումը նպատակաուղղված է լինելու Հայաստանի Հանրապետությունում առաջիկա 3 տարիների համար մարդու իրավունքների պաշտպանության ոլորտի քաղաքականության ձևավորմանը, ինչպես նաև առաջիկա 3 տարիների համար ոլորտի միջոցառումները մեկ միասնական փաստաթղթով սահմանելուն:

Հիմնավորման մեջ նշվում է մարդու իրավունքների պաշտպանության ազգային ռազմավարությունից բխող 2023-2025թթ. գործողությունների ծրագրի նպատակներն են՝

-մարդու իրավունքների արդյունավետ պաշտպանությունը և երաշխավորումը,

-ՀՀ Սահմանադրությամբ երաշխավորված՝ մարդու և քաղաքացու հիմնական իրավունքների և ազատությունների պաշտպանությանն ու երաշխավորմանն ուղղված պետական հետևողական քաղաքականության իրականացումը,

-Հայաստանի Հանրապետության միջազգային պայմանագրերով երաշխավորված քաղաքացիական և քաղաքական, տնտեսական, սոցիալական և մշակութային իրավունքների պաշտպանության կառուցակարգերի բարելավումը՝ Հայաստանի Հանրապետության ստանձնած միջազգային պարտավորություններին համապատասխան՝ հաշվի առնելով մարդու իրավունքների պաշտպանությանն առնչվող միջազգային պայմանագրերի հիման վրա գործող մարմինների առաջարկությունները և հանձնարարականները,

-մարդու իրավունքների և դրանց պաշտպանության միջոցների մասին հանրային իրազեկվածության բարձրացումը՝ պետական և տեղական ինքնակառավարման մարմինների, պաշտոնատար անձանց, ինչպես նաև հասարակության և քաղաքացիների կողմից սեփական իրավունքների պաշտպանության խրախուսումը, մարդու իրավունքների և դրանց պաշտպանության միջոցների վերաբերյալ գիտելիքների տարածումը կրթական ծրագրերի իրականացման միջոցով,

-մարդու իրավունքների միասնական քաղաքականության ուղղությունների նախանշումը՝ հիմքեր ստեղծելով հետագա տարիներին իրականացվելիք գործողությունների համար:

Ամ մարդու իրավունքների դաժնացումը և հանրային հարցերի մեծակամ հանձնաժողովի նախագահ, անկուսակցական Թագուհի Թովմայանը սոցցանցի իր էջում գրում է. «Վանաձոր քաղաքի բնակիչների նկատմամբ բռնություն գործադրած դարեկները նախադեռ հրահանգավորվել են...»

Վանաձոր քաղաքի մի խումբ քաղաքացիների նկատմամբ Փաշինյանին ուղեկցող պարեկների կողմից բռնություն գործադրելու առթիվ պարզաբանումներ են ստացել ՀՀ ոստիկանությունից և դատախազությունից:

Իմ պահանջի հետքերով...

2022թ. նոյեմբերի 25-ին ՀՀ վարչապետ Նիկոլ Փաշինյանին ուղեկցող ՀՀ ոստիկանության պարեկային ծառայության աշխատակիցների կողմից Վանաձոր քաղաքի մի խումբ քաղաքացիների նկատմամբ բռնություն գործադրելու մասին փաստեր հրապարակվեցին: Իմ շտապ հանձնարարականով հանձնաժողովի փորձագետները կապ հաստատեցին բոլոր կողմերի հետ՝ արձանագրելու իրողությունները:

Քաղաքացիներից մեկի խոսքերով պարեկները մոտ 20 հոգով հարձակվել են անչափահասի վրա, արցունքաբեր գազ փչել աչքերին, ծեծել, ընդ որում՝ միջադեպի ընթացքում պարեկներին զգուշացվել է, որ տղան անչափահաս է. քաղաքացիներից մեկի գլուխն ասֆալտին են խփել, դաժանորեն ծեծել (դեպքի մասին պատմող տեսագրություններն առկա են):

Դեպքի առնչությամբ դեռևս 2022թ. նոյեմբերի 28-ին համապատասխան հարցում էի կատարել ՀՀ ոստիկանություն և ստացել պարզաբանում առ այն, որ դեպքի առթիվ ՀՀ քրեական օրենսգրքի 450-րդ հոդվածի 2-րդ մասի 5-րդ և 7-րդ կետերով նախաձեռնվել է քրեական վարույթ, ու իրականացվում է նախաքննություն:

Իմ կոնկրետ հարցին, թե միջադեպի օրը ՀՀ վարչապետի այցով պայմանավորված կատարվել է արդյոք մարդային պարեկային ծառայողների լրացուցիչ հրահանգավորում, ստացել էի հավաստում, որ ՀՀ ոստիկանության պարեկային ծառայության Լոռու մարզի գումարտակի ծառայողները բարձրաստիճան պաշտոնյաների ուղեկցման կապակցությամբ իրականացվող ծառայությունից առաջ հրահանգավորվել են:



կանացվող ծառայությունից առաջ հրահանգավորվել են:

Հիստորիկորեն անմեղության կանխավարկածը՝ այնուամենայնիվ պետք է արձանագրել, որ պարեկները ՀՀ քաղաքացիների նկատմամբ բռնություն են գործադրել վերադասից հրահանգավորվելուց հետո:

Ի պատասխան իմ լրացուցիչ հարցման՝ ՀՀ դատախազությունից ստացել էի պարզաբանում, ըստ որի՝ վերոնշյալ քրեական վարույթով նախաքննությունը շարունակվում է, և որեւէ անձի նկատմամբ հանրային քրեական հետապնդում չի հարուցվել:

Կարելի է միջազգայնորեն ընդունված այն մոտեցումը, որի համաձայն՝ «ուշացած արդարադատությունը հավասար է

մերժված արդարադատության»՝ արձանագրել, որ առնվազն հրապարակայնորեն առկա են լայն տարածում ստացած տեսանկյուններ, որտեղ դեպքի մասին հայտնած ըստ էության տուժող հանդիսացող անձինք ունեն վնասվածքներ և հստակ հայտնում են իրենց ծեծի ենթարկելու մանրամասները:

Այս պայմաններում անհասկանալի է, թե ինչն է պատճառը, որ քրեական վարույթով չկան մեղադրյալներ:

Փաստ է այն, որ Նիկոլ Փաշինյանի հռչակած «Ժողովրդավարության բաստիոն»՝ Հայաստանում քաղաքացիների ծեծի ենթարկված պարեկային աշխատակիցները մնում են անպատիժ: Սա է բարեփոխված ոստիկանությունը»:

ՕՐՎԱ ԽՃԱՆԿԱՐ

ՀՆՈՒՄՈՍԱԶՐՈՒՅՑ Է ՈՒՆԵՑԵԼ

Վարչապետ Նիկոլ Փաշինյանը հեռախոսազրույց է ունեցել Ռուսաստանի Դաշնության նախագահ Վլադիմիր Պուտինի հետ:

Հեռախոսազրույցի ընթացքում քննարկվել է Ադրբեջանի կողմից Լաչինի միջանցքի ապօրինի շրջափակման հետևանքով Լեռնային Ղարաբաղում շարունակվող հումանիտար ճգնաժամը: Այս համատեքստում վարչապետ Փաշինյանն անդրադարձել է մարտի 5-ին Ադրբեջանի կողմից Լեռնային Ղարաբաղում իրականացված ահաբեկչական գործողությանը և դրա հետևանքներին: Լեռնային Ղարաբաղում ճգնաժամի հաղթահարման համատեքստում ՀՀ վարչապետը կարելու է ՌԴ-ի կողմից հասցեական արձագանքը:

Սուբեր են փոխանակվել նաև Հայաստան-Ադրբեջան հարաբերությունների կարգավորման գործընթացի շուրջ:

Քննարկվել են 2020 թվականի նոյեմբերի 9-ի, 2021 թվականի հունվարի 11-ի, նոյեմբերի 26-ի և 2022 թվականի հոկտեմբերի 31-ի՝ Հայաստանի, Ռուսաստանի և Ադրբեջանի առաջնորդների եռակողմ հայտարարությունների իրականացմանը վերաբերող հարցեր:

բերի 31-ի՝ Հայաստանի, Ռուսաստանի և Ադրբեջանի առաջնորդների եռակողմ հայտարարությունների իրականացմանը վերաբերող հարցեր:

ՀԱՄԱՊԱՏԱՍԽԱՆ ՀԱՆՁՆԱՐԱՐԱԿԱՆՆԵՐ

Արցախի Հանրապետության պետական նախարար, քաղաքացիական պաշտպանության պետ Գուրգեն Ներսիսյանը մարտի 12-ին հրավիրել է խորհրդակցություն քաղաքապետականության բոլոր ծառայությունների և շրջանների վարչակազմերի ղեկավարների մասնակցությամբ. այս մասին հայտնեցին Արցախի Հանրապետության պետական նախարարի աշխատակազմից:

Հանդիպման ընթացքում զեկուցվել է ապաստարանների վիճակի, ինչպես նաև քաղաքապետականության պլանով նախատեսված միջոցառումների մասին: Պետական նախարարը նշել է, որ անհրաժեշտ է ամենասեղմ ժամկետում ներկայացնել կատարման ենթակա աշխատանքների ցանկը՝ համապետական միջոցառում

պլանավորելու և պետական կառավարման համակարգում աշխատող անձանց ու քաղաքացիների ուժերի մեկտեղմամբ այդ աշխատանքները կատարելու համար:

Գուրգեն Ներսիսյանը համապատասխան հանձնարարականներ է տվել իրավիճակից բխող հրատապ խնդիրների լուծման ուղղությամբ:

ԿԺԱՄԱՆԻ ՀԱՅԱՍՏԱՆ

Մարտի 14-19-ը Հայաստանի Հանրապետություն կժամանի Իրաքի Ներկայացուցիչների պալատի պատգամավոր, Իրաք-Հայաստան բարեկամական խմբի ղեկավար Մոհամեդ ԽՈՇՆԱՆՈՒԻ գլխավորած պատվիրակությունը:

ArmLur.am-ը տեղեկացավ, որ Իրաքի պատվիրակությանը կղիմավորի պատգամավոր Ռուստամ Բաքրյանը:

Պատվիրակության ընդունելությունը կկազմակերպվի ՀՀ պետությունում Ազգային ժողովին այդ նպատակի համար հատկացված միջոցների հաշվին:

ԻՐԱՎԱԿԱՆ

ՌԿ Է ՍՊԱՆՎԱԾԸ

ՊԱՐԵԿԸ ՍՊԱՆԵԼ Է ԲԱՂԱՔԱՅՈՒՆ

Մարտի լույս 13-ի գիշերը ոստիկանության Կոսայի մարզի օդերասիվ կառավարման կենտրոն է գանգել Հրազդան քաղաքի Վանասուր բաղամասի մի բնակչուհի եւ գողության մասին հաղորդում սվել: Միազանգով մեկնել են ոստիկանության Հրազդանի բաժնի օդերասիվ խումբը եւ դարեկային ծառայության Կոսայի գումարակի ծառայողները: Տղամարդը կացնով սղառնացել է ոստիկանության ծառայողներին:



Նրա հարձակումը կանխելու, ինչպես նաեւ իրենց կյանքին կամ առողջությանը սպառնացող վտանգը չեզոքացնելու համար կիրառվել է հրազեն: Տղամարդը տեղափոխվել է «Հրազդան» բժշկական կենտրոն: Հրազդանի 45-ամյա բնակիչը, որը նախկինում դատապարտվել էր, մահացել է: Կատարվում է նախաքննություն: Հանգամանքները պարզվում են: ՌԿ է Սամվել Թովմասյանը, որը սպանվել է պարեկների կրակոցից: Վերջինս Հրազդան քաղաքի բնակիչ է եւ նախկինում եւս հայտնվել է իրավապահների տեսադաշտում:

Մասնավորապես, ArmLur.am-ին հայտնի դարձավ, որ Սամվել Թովմասյանին մեղադրանք է առաջադրվել, որ նա 2019 թվականի հունիսի 1-ին Համլետ Նավասարդյանի հետ, գտնվելով Երեւան քաղաքի Տրգրան Մեծի փողոցի վրա գործող «Կամուրջ» հացատանը, ալկոհոլ է օգտագործել, որից հետո՝ ժամը 01:00-ի սահմաններում, դուրս գալով հացատնից, Տրգրան Մեծ փողոցի 46-րդ հասցեի դիմաց առաջացած կենցաղային հարցի շուրջ սկսել է վիճաբանել Համլետ Նավասարդյանի հետ, որի ընթացքում վերջիններս փոխադարձ սեռական բնույթի հայտնաբերում են հնչեցրել եւ քաջքշել են իրար, ինչը նկատվել է ՀՀ ոստիկանության Երեւան քաղաքի վարչության ՊՊԾ գնդի հերթապահությունն իրականացնող աշխատակիցների կողմից, վերջիններս միջամտել են վիճաբանությանը եւ փորձել են Սամվել Թովմասյանին եւ Համլետ Նավասարդյանին բերման ենթարկել, սակայն Թովմասյանը մոտ 20 րոպե փողոցում հավաքված տասնյակ քաղաքացիների ներկայությամբ անհասցե սեռական բնույթի հայտնաբերում են հնչեցրել՝ դիտավորությամբ բացահայտ անհարգալից վերաբերմունք դրսևորելով ՀՀ ոստիկանության աշխատակիցների եւ քաղաքացիների նկատմամբ:

Սամվել Թովմասյանին մեղադրանք է առաջադրվել նաեւ այն բանի համար, որ նա, 2022 թվականի փետրվարի 7-ին գողություն կատարելու դիտավորությամբ նախնական համաձայնության գալով Հրազդան քաղաքի բնակիչ Գագիկ Քեշիջյանի հետ, ապօրինի մուտք են գործել «Հրազդեն» ԲԲԸ-ին պատկանող «Ռուս-հայկական բարեկամության տուն» շինություն եւ այնտեղից գողացել պատուհանի թվով 6 հատ այլումինե փեղկեր՝ պատճառելով գույքային վնաս: Այս արարքի համար դատարանը նրան մեղավոր է ճանաչել եւ նրա նկատմամբ պատիժ նշանակել ազատազրկումը՝ 2 (երկու) տարի ժամկետով, սակայն պատիժը պայմանականորեն չի կիրառվել՝ սահմանելով փորձաշրջան՝ 2 (երկու) տարի ժամկետով:

ՔՆԱՐ ՍԱՆՈՒԿՅԱՆ

ՓԱՍՏԵՐ

ՊԵՏՔ Է ՀԱՐՑԱՔՆՆՎԻ

Երեւանի փոխքաղաքապետ Գետրոգ Սիմոնյանին մեղադրվող արարքի մասով պետք է անցնի նաեւ ՀՀ առողջապահության ներկայիս նախարար Անահիտ Ավանեսյանը: Ինչպես հայտնի է, Երեւանի փոխքաղաքապետ, առողջապահության նախկին փոխնախարար Գետրոգ Սիմոնյանը ձերբակալվել, ապա կալանավորվել է: Հակակոռուպցիոն կոմիտեն մանրամասներ էր ներկայացրել, թե ինչու է հանրային քրեական հետապնդում հարուցվել նրա նկատմամբ: Մասնավորապես, Սիմոնյանը նշանակված է եղել որպես պատասխանատու կորոնավիրուսային հիվանդության համար անհրաժեշտ բժշկական օգնության եւ սպասարկման ծառայությունների՝ ներառյալ ֆինանսավորման համակարգի համար: Սակայն «Մեդլայն» կլինիկան՝ Բ. Շ.-ի կազմակերպմամբ, բժշկական կազմակերպության բժիշկներից առնվազն 8-ը տոմսով բաժանմունքում 2020թ. հուլիսից 2021թ. դեկտեմբերն ընկած ժամանակահատվածում ստացիոնար բուժում ստացած 385 պացիենտի հիվանդության պատմագրերում կեղծ տեղեկություններ են ներառել, թե, իբր, հիշյալ պացիենտները բուժում են ստացել վերակենդանացման բաժանմունքում, որի վերաբերյալ այնուհետեւ կեղծ հաշվետվություններ են ներկայացրել ՀՀ առողջապահության նախարարություն, փաստացի չմատուցված ծառայությունների դիմաց փոխանցվել է առանձնապես խոշոր չափերի՝ 119.005.000 ՀՀ դրամ: Ինչպես նշված է հաղորդագրության մեջ, խոսքը 2020 թվականի հուլիսից մինչեւ 2021 թվականի դեկտեմբերն ընկած ժամանակահատվածի մասին է: Նկատելի է առողջապահության նախկին նախարար, ներկայումս «Քաղաքացիական պայմանագիր» խմբակցության պատգամավոր Արսեն Թորոսյանն այլեւս նախարար չէ 2021 թվականի հունվարից: Նույն տարվա հունվարի 18-ից մինչեւ այժմ ՀՀ առողջապահության նախարարի պաշտոնը զբաղեցնում է Անահիտ Ավանեսյանը: Այսինքն՝ ստացվում է՝ Գետրոգ Սիմոնյանին եւ կլինիկայի ղեկավարությանը մեղադրվող արարքները կատարվել են ավելի շատ Անահիտ Ավանեսյանի պաշտոնավարման շրջանում մոտ 11 ամիս, իսկ Արսեն Թորոսյանի դեպքում յոթ ամիս:

«Ժողովուրդ» օրաթերթը գրել էր, որ նախաքննական մարմինը պատրաստվում է ծանուցում ուղարկել Արսեն Թորոսյանին, որպեսզի նա ներկայանա նախաքննական մարմին եւ հարցաքննվի որպես վկա: Վերը նշված փաստերը խոսում են այն մասին, որ նույն ծանուցումից պետք է ուղարկվի նաեւ Անահիտ Ավանեսյանին, քանի որ այդ արարքը կատարվել է նաեւ նրա պաշտոնավարման ժամանակ: «Ժողովուրդ» օրաթերթը դիմեց ՀՀ առողջապահության նախարարի մամուլի քարտուղար Հռիփսիմե Խաչատրյանին՝ հասկանալու համար, թե ինչպես է Անահիտ Ավանեսյանը մեկնաբանում Գետրոգ Սիմոնյանի շուրջ ստեղծված իրավիճակը: Ի պատասխան՝ Հռիփսիմե Խաչատրյանը նշեց. «Նախաքննությանը պայմանավորված՝ մեկնաբանությունը տեղին չէ, ինչ վերաբերում է հարցաքննության հրավիրելուն, ապա եթե կարիքը լինի, օրենքին համապատասխան քայլն էլ կհաջորդի»:

ՆԱԻՐԱ ՀՈՎՀԱՆՆԻՍՅԱՆ

ԼՈՒՐԵՐ

ԿԱՆԽԵԼ Է ԱՆՕՐԻՆԱԿԱՆ ՆԵՐՄՈՒԾՈՒՄԸ

ՊԵԿ մաքսանենգության դեմ պայքարի վարչության Սյունիքի տարածաշրջանային բաժնի աշխատակիցներն օպերատիվ տեղեկություններ էին ստացել, որ Մեղրիի մաքսային կետ-բաժնով Իրանի Իսլամական Հանրապետությունից ՀՀ ներմուծված ապրանքը հայտարարագրվել է ոչ իր անվամբ: 5 բեռնատար ավտոմեքենայով բերված՝ ընդհանուր շուրջ 122 հազար կգ քաշով ապրանքը հայտարարագրվել է որպես ավիավառելիք՝ ռեակտիվ շարժիչների համար: Տեղեկատվության իսկությունը ստուգելու նպատակով վերոնշյալ ապրանքները բաց թողնվելուց հետո մաքսանենգության դեմ պայքարի վարչության աշխատակիցների կողմից իրականացվել են հսկողական աշխատանքներ: Արդյունքում հիշյալ բեռնատարները կանգնեցվել են, եւ այդ տրանսպորտային միջոցներում առկա նյութերից վերցվել են փորձանմուշներ, եւ նյութերի իրական բաղադրակազմը պարզելու նպատակով նշանակվել է նյութագիտական փորձաքննություն: Համաձայն փորձաքննության եզրակացության՝ հայտարարագրված ապրանքները չեն հանդիսացել ավիավառելիք՝ ռեակտիվ շարժիչների համար, այլ հանդիսացել են գազօլ, ինչը՝ որպես հավելյալ բաղադրանյութ, օգտագործվում է դիզելային վառելիքի բաղադրության մեջ: Տնտեսավարող սուբյեկտը, ապրանքներն իրական անվանումներով չհայտարարագրելով, խուսափել է պետական բյուջե լրացուցիչ վճարման ենթակա մաքսային վճարումից: Փաստի առթիվ «Մաքսային կարգավորման մասին» ՀՀ օրենքի 316-րդ հոդվածի հատկանիշներով կազմվել է մաքսային կանոնների խախտման վերաբերյալ արձանագրություն: Ղեկավարող նյութերը տրամադրվել են ՊԵԿ իրավաբանական վարչություն:

ՌՆՉ Է ԹԱՔՑԻԵԼ ArmLur.am-ին հայտնի դարձավ, որ Տրգրան Սանասարյանին մեղադրանք է առաջադրվել այն բանի համար, որ նա, հանդիսանալով «ԻՄՊԵՐԻԱԼ ՊԱԼԼԱՍ ՀՈՒՅԵԼ» ՍՊ ընկերության տնօրենը, նույն ընկերության սեփականատեր Արմեն Վահանի Բարդասարյանի կազմակերպմամբ եւ ղեկավարմամբ՝ «ԻՄՊԵՐԻԱԼ ՊԱԼԼԱՍ ՀՈՒՅԵԼ» ՍՊ ընկերության սնանկության ընթացքում կատարել է անօրինական գործողություններ՝ թաքցրել է գույքի, դրա չափի մասին տեղեկությունները, ինչպես նաեւ, «Սնանկության մասին» օրենքով սահմանված կարգով, չարամտորեն խուսափել է սնանկության կառավարչին հայտարարագիր ներկայացնելուց՝ պարտատիրոջը պատճառելով խոշոր չափի վնաս:

● Ըստ ոստիկանության տվյալների՝ մարտի 10-ից 13-ը Հայաստանի Հանրապետությունում բացահայտել են հանցագործության 191 դեպք, որոնցից 4-ը՝ նախկինում կատարված:

ՀԱՍԱՐԱԿՈՒԹՅՈՒՆ

ՍԱՐՁ

ՎԵՐՋՆԱԿԱՆԱՊԵՄ ԱՐԳԱՐԱՑՎԵՑԻՆ

Իջեան քաղաքի բնակչուհի, 1964թ. ծնված Վանուհի Ասիլբեկյանին մեղադրանք է առաջադրվել այն բանի համար, որ նա, աշխատելով «Իջեան բժշկական կենտրոն» ՓԲԸ-ում որպես մանկաբարձ-գինեկոլոգ եւ հանդիսանալով բժշկական օգնություն ու սպասարկում իրականացնող անձ, պարտավոր լինելով ապահովելու ցուցաբերող բժշկական օգնության եւ սպասարկման քանակական ու որակական բնութագրիչների համապատասխանությունը սահմանված չափանիշներին, 2017թ. հուլիսի 14-ին Իջեան քաղաքի բնակչուհի Էլինա Սաղոյանի ծննդաբերության ընթացքում իր մասնագիտական պարտականությունները կատարել է ոչ պատշաճ՝ դրանց նկատմամբ դրսևորելով անփոփոխ վերաբերմունք:

Վ. Ասիլբեկյանին մեղադրանք է առաջադրվել՝ 33 քրեական օրենսգրքի 130 հոդվածի 2-րդ մասով եւ 325 հոդվածի 2-րդ մասով: Իջեան քաղաքի բնակիչ, 1965թ. ծնված Էդվարդ Ֆրանգուլյանին մեղադրանք է առաջադրվել այն բանի համար, որ նա, հանդիսանալով «Իջեան բժշկական կենտրոն» ՓԲԸ-ի մանկաբարձական բաժանմունքի վարիչ, 2017թ. հուլիսի 14-ին կամ 15-ին նախնական համաձայնության գալով բաժանմունքի մանկաբարձ-գինեկոլոգ Վանուհի Ասիլբեկյանի հետ, նրա կողմից կատարված հանցավոր արարքը թաքցնելու նպատակով պատասխանատվությունից ազատող, պաշտոնական այլ փաստաթուղթ հանդիսացող՝ Էլինա Սաղոյանի անվամբ լրացված թիվ 1554 ծննդաբերության պատմության մեջ ակնհայտ կեղծ գրառումներ են կատարել:

Է. Ֆրանգուլյանին մեղադրանք է առաջադրվել 33 քրեական օրենսգրքի 325 հոդվածի 2-րդ մասով: 2017թ. հուլիսի 15-ն Իջեանի բժշկական կենտրոնում Էլինա Սաղոյանի նորածին երեխան մահացել է: Վ. Ասիլբեկյանի եւ Է. Ֆրանգուլյանի նկատմամբ խափանման միջոց է ընտրվել չհեռանալու մասին ստորագրությունը: Դատաքննության ընթացքում Վ. Ասիլբեկյանը եւ Է. Ֆրանգուլյանին իրենց մեղավոր չեն ճանաչել: 2020թ. հոկտեմբերի 13-ն Իջեան քաղաքում Տավուշի մարզի առաջին ատյանի դատարանի դատավոր Ռաֆիկ Մելքոնյանը վճռել է Վ. Ասիլբեկյանին եւ Է. Ֆրանգուլյանին իրենց առաջադրված մեղադրանքներում ճանաչել անմեղ եւ արդարացնել: Տավուշի մարզի դատախազության դատախազ Է. Զարոյանյանը այդ դատավճռի դեմ վերաքննիչ բողոք է ներկայացրել: Քրեական գործերով վերաքննիչ դատարանը 2021թ. հունիսի 17-ին որոշել է վերաքննիչ բողոքը բավարարել մասնակիորեն, Տավուշի մարզի առաջին ատյանի ընդհանուր իրավասության դատարանի դատավճռից բեկանել եւ գործն ուղարկել նույն դատարան՝ այլ կազմով նոր քննության: 2023թ. փետվարի 7-ին Բերդ քաղաքում դատավոր Ջոյա Զաքիյանը վճռել է Վ. Ասիլբեկյանին եւ Է. Ֆրանգուլյանին արդարացնել՝ նրանց արարքներում հանցակազմի բացակայության հիմքով: Դատախազությունը սահմանված ժամկետում մեկ ամսում, այդ վճռի դեմ վերաքննիչ բողոք չի ներկայացրել:

ՈՍՎԸՆ ՍԱՐԳՅԱՆ Տավուշ

ԴՊՐՈՑ

ՄԱՐՄԱՆՎԵԼ ԵՆ ԳՆԱՐԱՏՄԱՆ ԶԱՓԱՆԻՇՆԵՐԸ

ՀՀ կրթության, գիտության, մշակույթի եւ սպորտի նախարարի հրամանով՝ սահմանվել են դեռահաս հանրակրթական ուսումնական հաստատությունների սովորողների գնահատման չափանիշները:

Գնահատման չափանիշների ներդրումն իրականացվելու է հետեւյալ ժամանակացույցով՝

- 1) 2023-2024 ուստարի՝ Տավուշի մարզի դպրոցների բոլոր դասարաններում,
- 2) 2023-2024 ուստարի՝ 33 բոլոր դպրոցների 2,5,7,10-րդ դասարաններում,
- 3) 2024-2025 ուստարի՝ 33 բոլոր դպրոցների 3,6,8,11-րդ դասարաններում,
- 4) 2025-2026 ուստարի՝ 33 բոլոր դպրոցների 1,4,9,12-րդ դասարաններում:

Գնահատումը նպատակ ունի որոշելու սովորողի կարողունակությունների գարգացման աստիճանը՝ ըստ ուսումնական առարկաների չափորոշիչներով եւ ծրագրերով սահմանված վերջնարդյունքներին համապատասխան ձեռք բերած գիտելիքների, հմտությունների, դիրքորոշումների ու արժեքների ձեւավորման աստիճանի: Գնահատման գործընթացի հիմքում ընկած են հավաստիության, հուսալիության, օբյեկտիվության, մատչելիության, արդարության եւ թափանցիկության սկզբունքները: Կրթության առանձնահատուկ պայմանների կարիք ունեցող սովորողի ուսումնառության արդյունքների գնահատումն իրականացվում է նույն սկզբունքներով՝ ապահովելով սովորողի անհատական ուսուցման պլանով նախատեսված խելամուտ հարմարեցումները, մատչելի ձեւաչափերը, անհատական օժանդակ սարքավորումներն ու միջոցները:

Ըստ նպատակի՝ կիրառվում է սովորողի ուսումնառության արդյունքների գնահատման երեք տեսակ՝

- 1) հայտորոշիչ գնահատում,
- 2) ձեւավորող գնահատում,
- 3) ամփոփիչ գնահատում (միավորային եւ բնութագրող):

Հայտորոշիչ գնահատում

Հայտորոշիչ գնահատման նպատակն է բացահայտել սովորողի նախնական գիտելիքները, հմտությունները, վերաբեր-



մունքն ու արժեքներն ուսումնական գործընթացի որեւէ փուլի՝ ուսումնական տարվա, կիսամյակի, առարկայի, դասընթացի, նոր թեմայի ուսումնասիրման մեկնարկից առաջ: Հայտորոշիչ գնահատման ձեւն ընտրվում է ուսուցիչը:

Ձեւավորող գնահատում

Ձեւավորող գնահատումն ուսումնական գործընթացի բաղադրիչ է, որի նպատակն է բացահայտել յուրաքանչյուր սովորողի կամ ամբողջ դասարանի ձեռքբերումները, դժվարությունները, բացթողումները ուսուցման եւ ուսումնառության գործընթացի բարելավման համար: Ձեւավորող գնահատումն իրականացվում է 1-12-րդ դասարաններում. միավոր չի նշանակվում:

Ամփոփիչ գնահատում

Ամփոփիչ գնահատման նպատակն ուսումնական առարկաների չափորոշիչներով եւ ծրագրերով սահմանված վերջնարդյունքներին համապատասխան սովորողի ուսումնական ձեռքբերումների գնահատումն է՝ դասի, թեմայի, կիսամյակի, ուսումնական տարվա ավարտին, ինչպես նաեւ կրթական աստիճանի ավարտին ամփոփիչ ատեստավորման միջոցով:

Ամփոփիչ գնահատումն իրականացվում է միավորային կամ բնութագրող գնահատման միջոցով: Ամփոփիչ գնահատման արդյունքների հիման վրա՝ ձեւավորվում է կիսամյակային, իսկ կիսամյակային գնահատման արդյունքների հիման վրա՝ տարեկան ամփոփիչ գնահատականը:

Հաստատության 1-4-րդ դասարաններում եւ 5-րդ դասարանի առաջին կիսամյակում սովորողի կիսամյակային ամփոփիչ գնահատումը կատարվում է բնութագրման միջոցով: Յուրաքանչյուր սովորողի համար կազմվում է ուսումնական առաջադիմության բնութագիր: Հաստատության 5-րդ դասարանի 2-րդ կիսամյակից մինչեւ 12-րդ դասարանը ներառյալ ամփոփիչ գնահատումն իրականացվում է միավորային գնահատման միջոցով:

Միավորային գնահատում

Միավորային գնահատումը կիրառվում է 5-րդ դասարանի երկրորդ կիսամյակից սկսած: Միավորային գնահատման դեպքում կիրառվում է սովորողների գնահատման 10-միավորային սանդղակ, որտեղ որեւէ նիշ անբավարար գնահատական չէ: Միավորային գնահատման ցանկացած ձեւի կիրառմանը պետք է նախորդեն հայտորոշիչ եւ ձեւավորող գնահատումներ:

ԼՈՒՅՈՒՆ

ՄԱՐԶՊԵՏԱՐԱՆԻ ԳՆՈՒՄՆԵՐԸ

Արմավիրի մարզպետարանը Ա/Ձ ԶՐԻՍԻՆԵ ՊՈՂՈՍՅԱՆ-ից մեկ անձի գնման սկզբունքով 438 հազար դրամի կենցաղային ապրանքներ է ձեռք բերել:

ArmLur.am-ը տեղեկացավ, թե Արմավիրի մարզպետարանն այդ գումարով ինչ է ձեռք բերել: Այսպես, ձեռք են բերվել 6 հատ 1000 դրամանոց գոգաթխակ՝ աղբը հավաքելու համար, 50 հատ 600 դրամանոց կահույքի փայլեցման միջոց, 24 հատ մաքրող մածուկներ, 20 հատ վճացքի փոշի:

Այդքանով, սակայն, կենցաղային ապրանքների ձեռք բերման ցանկը չի սպառվում: Արմավիրի մարզպետարանը ձեռք է բերել նաեւ 3 հատ հատակ մաքրելու ձող, 30 հատ զուգարանների մաքրման նյութեր, 72 հատ ախտահանող հեղուկ, 60 հատ օճառ, հեղուկ եւ այլն:

Կրկին մեկ անձից գնման ընթացակարգով մարզպետարանը ԷԼՖՐԻԴԱ ՊԵՏՐՈՍՅԱՆ-ից 2 ծաղկեպսակ է գնել՝ յուրա-

քանչյուրը 20 հազար դրամ արժողությամբ:

ԱՄԵՆԱՑԱԾՐ ԻՆԴԵՔՍԸ՝ 2001 Թ.-ԻՑ Ի ՎԵՐ

«ԼՈՒՅՈՒՆ» հիմնադրամն ուսումնասիրել է «Հերիթեյ» հիմնադրամի կողմից իրապարկված «Տնտեսական ազատության ինդեքս-2023» զեկույցը: 1995թ.-ից ի վեր՝ յուրաքանչյուր տարի իրապարակվող այս զեկույցներում գնահատվում է աշխարհի տարբեր երկրներում, այդ թվում՝ Հայաստանում տնտեսական ազատության աստիճանը, ինչպես նաեւ հնարավորություն է ընձեռվում իրականացնելու միջժամանակային եւ միջերկրային համեմատություններ:

Այսպես, 2023թ.-ին Հայաստանի տնտեսական ազատության ինդեքսը շարունակում է նվազել: Հայաստանը 65.1 միավոր տնտեսական ազատության ինդեքսով

(ՏԱԻ) (որը նախորդ տարվա ցուցանիշից պակաս է 0.2 միավորով) համաշխարհային վարկանիշային աղյուսակում 50-րդն է, իսկ Եվրոպայի տարածաշրջանում զբաղեցնում է 28-րդ հորիզոնականը: Հայաստանի 2023թ. ՏԱԻ-ն 2001թ.-ից ի վեր ամենացածրն է:

Ինչպես եւ անցյալ տարի, Հայաստանը գտնվում է տնտեսապես «չափավոր ազատ» երկրների խմբում: Ի դեպ, 2020 եւ 2021թթ.-ին Հայաստանը ներառված էր տնտեսապես «հիմնականում ազատ» երկրների խմբում:

Ջեկույցում նշվում է, որ «Հայաստանում տնտեսական ազատության հիմքերը ամուր չեն պահպանվում դատական համակարգի կողմից, իսկ կոռուպցիան նվազեցնում է տնտեսական զարգացման հնարավորությունները՝ շարունակելով մնալ լուրջ հիմնախնդիր»:

ՏԱԻ-ով Հայաստանը ԵՍՍՍ անդամ երկրների թվում 2023թ.-ին առաջատարն է:

Հայաստանը հարեան չորս երկրներից շարունակում է գիջել միայն Վրաստանին: **ՆԱԻՐԱ ՀՈՎՀԱՆՆԻՍՅԱՆ**

● Անցած 3 օրվա ընթացքում Հայաստանի Հանրապետությունում արձանագրվել է 35 ՃՏՊ. 3 մարդ զոհվել է, 83-ը՝ ստացել տարբեր աստիճանի մարմնական վնասվածքներ:

ԼՈՒՐԵՐ

«ԿՈՆՎԵՐՍ ԲԱՆԿ»-Ի ԱՐՇԱՎԸ

«Կոնվերս բանկ»-ը հայտարարում է կանանց միասնական նվիրված արձա- վի մեկնարկի մասին, որի ամենահա- ջողակ 14 մասնակիցները կստանան արժեքավոր նվերներ՝ Միջերկրական ծովով ճամփորդության ուղեգիր՝ երկու անձի համար, 2 Apple watches Ultra Series, 3 Fujifilm Instax Mini 11, 3 Xiaomi power bank, 5 Xiaomi LED makeup mirror:

Արձապահի կարող են մասնակցել բանկի մոբայլ հավելվածի օգտատեր, Mastercard Woman'sCard բոլոր քարտատպանները՝ կատարելով նվազագույնը 30.000 ՀՀ դրամ ընդհանուր գումարի անկանխիկ գնում: Հաշվի են առնվելու նաեւ առցանց գնումները:

Յուրաքանչյուր 30.000 ՀՀ դրամի գործարքի դիմաց կարվի խաղարկու- թյանը մասնակցելու մեկ կողմ. որքան մեծ լինի գործարքի գումարը, այնքան կմեծանա բանկի ֆեյսբուքյան էջում ուղիղ հեռարձակմամբ կայանալիք խաղարկության ընթացքում հաղթելու հավանականությունը:

«Կոնվերս բանկ»-ում նշել են նաեւ, որ Mastercard Woman'sCard բոլոր քարտատպանները, որոնք չունեն Converse Mobile, կարող են արձապահ մասնակցել՝ ներբեռնելով եւ ակտիվացնելով հավելվածը: Mastercard Woman'sCard քարտատպան չհանդիսացող Converse Mobile օգտա- տերերը կարող են այն պատվիրել հա- վելվածի «+» բաժնում՝ ընտրելով «Նոր քարտ», ապա՝ Mastercard Woman'sCard:

Արձապահ մանրամասներին կարող եք ծանոթանալ՝ զանգահարելով 010-511-211 հեռախոսահամարով: Բանկը վերահսկվում է ԿԲ կողմից:

ԳՆՈՒՄՆԵՐ՝ «ՕՆԼԱՅՆ

ՍՈՒՊԵՐՄԱՐԿԵՏ»-ԻՑ

Հայաստանի Հանրապետության կր- թության, գիտության, մշակույթի եւ սպորտի նախարարությունը 800 հա- զար դրամի ներկայացուցչական ծա- ռայություններ է կատարել ու պարե- նային ապրանքներ ձեռք բերել «Օն- լայն սուպերմարկետ» ՍՊԸ-ից՝ մեկ անձից կատարվող գնման ընթացա- կարգով: ArmLur.am-ը տեղեկացավ, թե ինչ է ձեռք բերել նախարարու- թյունն այդ գումարով:

Այսպիսով, ձեռք է բերվել «Ախթա- մար» եւ «Նաիրի» կոնյակներ, ջուր, տարբեր տեսակի սուրճեր, թեյ, շոկո- լադե կոնֆետների հավաքածու, շա- քարավազ, հանքային ջուր եւ չրերի հավաքածու: Տեղեկացանք, որ «Նաիրի» կոնյակն արժեցել է 35 հազար 250 դրամով, «Ախթամար» կոնյակը՝ 12450 դրամ: Շոկոլադե կոնֆետների հավա- քածուն արժեցել է 5800 դրամ, չրերի հավաքածուն՝ 5500 դրամ:

«ԱԿԲԱ» ԲԱՆԿ

ՖԻՆՏԵԽ ՈԼՈՐՏԻ ԵԶԱԿԻ ԼՈՒԾՈՒՄՆԵՐ

«Ակբա» բանկը DigiTec սեխնորգի- ական ցուցահանդեսի այցելուներին տեղափոխում է թվային աշխարհ եւ ներկայացնում ֆինտեխ ոլորտի ինն- վացիաները: DigiTec-ում «Ակբա» բանկը ներկայացրել է Հայաստանում եզակի Acba MAX բազմաֆունկցիո- նալ բանկոմատը, որը նաեւ վճարային սերմինալ է, սարադրամի փոխանակ- ման կես եւ նույնիսկ հնարավորու- թյուն է տալիս մարել այլ բանկերում գործող վարկերը: «Մեր օրերում բիզնե- սի բոլոր ուղղությունները զարգանում են սեխնորգիական ուղղությամբ էֆեկտիվությունն ապահովելու մեծացնելու նպատակով: Մենք, իհարկե, խոսք ու- նենք ասելու բիզնեսում, եւ դժվար է դասկերացնել զարգացումն առանց սեխնորգիաների: Բանկում մենք լայ- նորեն կիրառում ենք ռոբոտներ, որոնք իրենց էֆեկտիվությամբ մի քանի ան- գամ գերազանցում են մարդուն, չեն սխալվում երբեք, աշխատում են 24 ժամ: Մա մեզ հնարավորություն է տա- լիս, որ մեր աշխատակիցները զբաղ- վեն ստեղծագործ աշխատանքով», - նշել է «Ակբա» բանկի բիզնես գործա- ռույթների համակարգման գծով գլ- խավոր գործադիր տնօրենի տեղակալ Արսեն Մելիքյանը:



«Acba MAX պլատֆորմը հեղափոխա- կան է բանկային տերմինալների շուկա- յում, քանի որ մեզ հաջողվել է վճարային համակարգն ինտեգրել բանկումատում եւ մեկ սարքի վրա ստանալ բազմաֆունկ- ցիոնալ համակարգ», - նշում է «Ակբա» բանկի պլատֆորմների եւ տեխնոլոգիա- ների զարգացման գծով գլխավոր գոր- ծադիր տնօրենի տեղակալ Տիգրան Սի- մոնյանը՝ հավելելով նաեւ, որ նորարար ու ավելի արագ թվային ծառայություն- ներ մատուցելու նպատակով հաճա- խորդների կողմից ուղարկվող հարցերը, որոնց արհեստական բանականությամբ աշխատող ռոբոտները չեն կարողանում պատասխանել, տեղում ուղղորդվում են բանկի հեռախոսային կենտրոնի աշխա- տակիցներին, որոնք պատասխանում են հաճախորդների բոլոր հարցերին: «Acba MAX բազմաֆունկցիոնալ բանկումատի միջոցով հնարավոր է մարել նաեւ այլ բանկերում գործող վարկեր, հնարավոր- լություն կա կատարելու կոմունալ վճա- րումներ, ինտերնետի համար վճարում- ներ, պետական վճարումներ, նաեւ հնա- րավոր է տարադրամ փոխանակել», - նշել է «Ակբա» բանկի թվային բիզնեսի վարչության պետ Արթուր Կարմիրյանը:

«Ակբա» բանկի տաղավարում այցելու- ները հնարավորություն ունեցան ծանո- թանալու նաեւ Acba Digital հավելվածի նոր գործիքներին: Հայաստանում Acba Digital-ն առաջինն է, որի միջոցով հնա- րավոր դարձավ ակտիվացնել Visa Digital քարտատեսակը: «Visa Digital քարտ հնարավոր է պատվիրել Acba Digital-ի

միջոցով: Մենք առաջինն ենք շուկայում, որ հաճախորդին հնարավորություն ենք տալիս ընտրել քարտի իր ցանկալի դի- զայնը: Ունենք բազմաթիվ այլ հնարավոր- լություններ, թեմատիկ դիզայններ, որը թարմացվում է բանկի կողմից, եւ օգտա- տերը կարող է ըստ տրամադրության որոշել, թե ինչպիսիսի պետք է լինի իր քարտի դիզայնը», - նշել է «Ակբա» բան- կի մանրածախ բիզնես պրոդուկտների պլանավորման եւ կառավարման բաժնի ղեկավար Էլիզա Հայրապետյանը: «Ակբա»-ն ուսումնասիրում է հաճա- խորդների պահանջները եւ ներկայաց- նում թվային լուծումներ բոլոր ուղղու- թյուններում՝ վարկավորումից մինչեւ հա- ճախորդների սպասարկում, որոնք հեշ- տացնում են քաղաքացիների կյանքը: Բանկը վերահսկվում է ՀՀ ԿԲ կողմից:

ՀԱՅՏԱՐԱՐՈՒԹՅՈՒՆ

ՀՈՒՄԱՆԻԿԱՆ ԾԱՆՈՒԹՅՈՒՆ

«Ֆլորես» Աճուրդի Տուն՝ ՍՊԸ-ն (այսուհետ՝ Կազ- մակերպիչ) «Ալյոն» ԱՅ Բորսայի հարթակում իրա- կանացնելու է «ՀԱՐԱՎԱԿՈՎԱԿԱՆ ԵՐԿԱՌՈՒ- ՂԻ» ՓԲԸ-ին անհատուց օգտագործման իրավուն- քով պատկանող ներքնշյալ գույքերի վարձակա- լության պայմանագիր կնքելու իրավունքի բաց աճուրդ «դասական» եղանակով: - ք. Երեւան, Էրեբունի, Տիգրան Մեծի պողոտա, 86 հասցեում գտնվող Երեւան կայարանի մեկնակա- յանի շենքի 1-ին հարկում գտնվող 327,84 ք.մ. տա- րածք: Մեկ ամսվա վարձավճարի մեկնարկային գի- նը՝ 1695588 ՀՀ դրամ: Տարածքը կարող է օգտա- գործվել միայն որպես հասարակական մենդի օբ- յեկտ, առևտրի սրահ, գրասենյակային տարածք կամ պատվիրատուի հետ փոխհամաձայնեցված այլ նպատակով: - ք. Երեւան, Էրեբունի, Տիգրան Մեծի պողոտա, 86 հասցեում գտնվող Երեւան կայարանի մեկնակա- յանի շենքի 1-ին հարկում գտնվող 261 ք.մ. տա- րածք: Մեկ ամսվա վարձավճարի մեկնարկային գի- նը՝ 593444 ՀՀ դրամ: Տարածքը կարող է օգտագործ- վել միայն որպես գրասենյակային տարածք, պա- հեստ կամ պատվիրատուի հետ փոխհամաձայնեց- ված այլ նպատակով: - Շիրակի մարզ, համայնք Գյումրի ք., Կայարա- նամերձ հրապարակ, թիվ 1 հասցեում գտնվող Գյումրի կայարանի մեկնակայանի շենքի 2-րդ հար- կում գտնվող 418 ք.մ. տարածք: Մեկ ամսվա վար- ձավճարի մեկնարկային գինը՝ 694298 ՀՀ դրամ: Տարածքը կարող է օգտագործվել միայն որպես հյու- րանոց կամ պատվիրատուի հետ փոխհամաձայնեց- ված այլ նպատակով:

Վարձակալության պայմանագրի ժամկետը՝ առն- վազ մեկ տարի: Պայմանագիրը կնքվելու է աճուրդի արձանագ- րությունը կնքելուց հետո մեկ ամսվա ընթացքում: Աճուրդի փուլերը՝ ք. Երեւան, Սայաթ-Նովա պողոտա, 40 շենք, 82/31 հասցեում 30.03.2023թ.- ին, ժ. 12:00-ին, այնուհետեւ յուրաքանչյուր աշխա- տանքային օր, նույն վայրում, նույն ժամին: Աճուրդի ավարտը՝ 30.12.2023թ. ներառյալ: Յուրաքանչյուր լո- տի աճուրդի մասնակցության նախաձեռնողը սահ- մանավճառ է 200000 ՀՀ դրամ, որի վճարման վերջնա- ժամկետը սահմանված է յուրաքանչյուր աճուրդի փուլի օրվան նախորդող աշխատանքային օրվա ժամը 16:00-ն: Նախաձեռնողը վճարվում է «Ֆլորես» ԱՏ ՍՊԸ-ի դրամարկում աճուրդի կայացման հաս- ցեում, ՀՀ օրենսդրությամբ սահմանված կանխիկի շեմը չգերազանցելու դեպքում, կամ բանկային հաշվին («Ամերիաբանկ» ՓԲԸ-ում 1570005285290100 հաշվեհամարին), կամ կազմա- կերպի կողմից տրված այլ հաշվեհամարին: Աճուր- դին մասնակցելու համար անհրաժեշտ է ներկայաց- նել՝ ֆիզիկական անձանց համար անձը հաստատող փաստաթուղթ եւ Կազմակերպիչի կողմից տրված մասնակցի վկայական (այսուհետ՝ աճուրդի վկայա- կան), որը հաստատելու է նաեւ նախաձեռնող մուծ- ման փաստը, իսկ իրավաբանական անձանց հա- մար՝ կանոնադրությունը, իրավաբանական անձանց պետական գրանցման վկայականը, պաշտոնատար անձի կամ ներկայացուցչի լիազորությունները հաս- տատող փաստաթուղթ է աճուրդի վկայական: Աճուրդում հաղթող է ճանաչվում այն անձը, ով առաջարկել է ամենաբարձր գինը: Վերջին ամենաբարձր գնային հայտ ներկայաց- րած մասնակիցը, աճուրդավարի մուրճիկի եր-

րորդ հարվածից հետո, համարվում է աճուրդում հաղթած մասնակից: Աճուրդին մասնակցած, սա- կայն չհաղթած անձի մուծած նախաձեռնող վե- րադարձվում է աճուրդի ավարտվելուց հետո 1 աշխատանքային օրվա ընթացքում: Նախաձեռ- նողը ենթակա է վերադարձման, եթե աճուրդը հա- մարվում է չկայացած: Եթե աճուրդում հաղթող ճանաչված անձը հրաժարվում է ստորագրել ար- ձանագրությունը կամ առուվաճառի պայմանա- գիրը, ապա նա կորցնում է իր մուծած նախաձեռ- նողը: Եթե Կազմակերպիչը հրաժարվում է ստոր- րագրել արձանագրությունը, ապա նա պարտա- վոր է աճուրդում հաղթող ճանաչված անձին վե- րադարձնել նախաձեռնողը: Լուտերն ուսումնասիրելու ցանկություն հայտնած անձինք կարող են սույն ծանուցման օրվան հա- ջորդող օրվանից մինչեւ համապատասխան գույքի աճուրդի ավարտին նախորդող օրը, յուրաքանչյուր աշխատանքային օր, ժ. 10:00-ից մինչեւ 18:00-ն, այցելել վերը նշված հասցեներով եւ ծանոթանալ լոտերի հետ՝ այցելությունը նախապես համաձայ- նեցնելով Կազմակերպիչի հետ: Հարկային գործա- կալ հանդիսասանալու դեպքում աճուրդում հաղթած մասնակցի կողմից լոտի գին վճարելու կարգը սահ- մանավճառ է վաճառողի հետ՝ փոխհամաձայնեցված ժամկետներում: Սույն ծանուցումը կարող է փո- փոխվել մասնավոր հրապարակվելու միջոցով: Ա- ճուրդների անցկացման կանոնակարգին կարող եք ծանոթանալ եւ անվճար ստանալ կանոնակար- գի պատճենը, դիմելով Կազմակերպիչին՝ ք. Երեւան, Սայաթ-Նովա պողոտա, 40 շենք, թիվ 82/31 հասցե: Բոլոր այլ տեղեկությունների հա- մար կարող եք զանգահարել (011) 52-61-85 հեռա- խոսահամարով կամ այցելել www.akson.am կայքը:

«ժողովուրդ» օրաթերթում եւ ArmLur.am կայքում գովազդ, հայտարարություն, հաշվետվություն, ծանուցում տեղադրելու համար զանգահարել 094-455-456 հեռախոսահամարով:

ՄՏԱՎՈՐԱԿԱՆՈՒԹՅՈՒՆ

ՀԱՅ ԺՈՂՈՎՐԴԻ ՀԱՆՃԱՐԵՂ ԶԱՎԱԿԸ՝ ԵՂԻՇԵ ՉԱՐԵՆՑ

Մի խումբ գրողներ, արվեստի սարքեր ոլորտների ներկայացուցիչներ, դորուցականներ, ընթերցասերներ եւ դարգադես հեռախոսակցներ եղիցե Չարենցի ծննդյան օրը՝ մարտի 13-ին, ծաղիկներ խոնարհեցին մեծ գրողի հուշարձանի մոտ:

Հայաստանի գրողների միության նախագահ Էդվարդ Միլիտոնյանը կարեւորեց հատկապես աշակերտների մասնակցությունը՝ շեշտելով, որ հենց նրանք են ապագան, եւ կարողով, զարգանալով՝ նրանք ընթերցանության հանդեպ սերը կփոխանցեն հաջորդ սերունդներին:

«2022-ին Պոեզիայի համաշխարհային օրվան կազմակերպված միջոցառումները նվիրել էինք Չարենցին: Ներկա էին ՀՀ-ում տարբեր երկրների դեսպանատների ներկայացուցիչներ, որոնք իրենց լեզուներով մատուցեցին Չարենցի «Ես իմ անուշ Հայաստանի» բանաստեղծությունը: Հետո ել՝ հուշարձանի մոտ, ել՝ հեղինակի տուն-թանգարանում տարբեր միջոցառումներ անցկացրինք եւ տարվա ընթացքում հրատարակեցինք Չարենցին նվիրված «Ես եմ հիմա» ժողովածուն»,- ասաց Միլիտոնյանն ու հավելեց, որ 2022-ին Չարենցին նվիրված միջոցառումներ են կազմակերպել ոչ միայն Երեւանում, այլեւ գրողների Ծաղկաձորի ստեղծագործական տանը, որոնց մասնակցել են բազմաթիվ դպրոցականներ:

Ըստ Միլիտոնյանի՝ Չարենցը ել՝ պոեզիայով, ել՝ արձակով աննման է: «Նրա «Երկիր Նաիրի» վեպը եւ այլ գործեր, նրա թագավանությունները, հողվածներն աննման են: Նա հսկայական գործ է արել, որը պետք է գիտակցեն թե՛ պատանիները, թե՛ ավագ սերնդի ներկայացուցիչները: Գրողը չպետք է փոքր շրջանակի, այլ լայն հասարակության համար լինի, սակայն պարտադիր չէ, որ ընկալեն նրա բոլոր ստեղծագործությունները: «Ես իմ անուշ Հայաստանի»-ն բոլորն են սիրում, բայց Չարենցն ունի բանաստեղծություններ ու պոեմներ, որ պարտադիր չէ՝ բոլորն ընկալեն: Դրա համար բարձր պոետական ճաշակ է հարկավոր: Նրա հրապարակախոսությունը, ազգային մոտեցումներն արդիական են մինչ օրս»,- եզրափակեց միության նախագահը:

Եղիշե Չարենցի տուն-թանգարանի տնօրեն Ժաննա Մանուկյանը տեղեկացրեց, որ մարտի 13-ի երեկոյան երկու ցուցադրություն կբացեն: «Ցուցադրություններից մեկը կրում է «Նվեր հորեյանին»:



Չարենց-125» խորագիրը, իսկ մյուսը՝ «Այստեղ աշխատում է Չարենցը» հողդրաֆիկ ցուցադրությունը: Մարինե Մանասյանի կատարմամբ կինոն հեղինակի խոսքերով երգեր: Բավականին հետաքրքիր ու մտերմիկ միջավայր կլինի»,- նշեց նա: Մանուկյանը հիշեցրեց, որ 2022-ին մեծ գրողի 125-ամյակի առթիվ Եղիշե Չարենցի տուն-թանգարանի, «Անտարես» հրատարակչության եւ ՀՀ ԳԱԱ Մ. Աբեղյանի անվան գրականության ինստիտուտի միջեւ ստորագրվել է հուշագիր համատեղ ջանքերով գրողի ստեղծագործությունների նոր ակադեմիական հրատարակությունը («Երկերի ժողովածու»՝ 13 հատորով) լույս ընծայելու նպատակով:

«Առաջին հատորի աշխատանքներն արդեն ավարտված են: Հույս ունենալով առաջիկայում կլինի գրքի շնորհանդեսը»,- շեշտեց նա: Եղիշե Չարենցի թոռնուհի Գոհար Չարենցի խոսքով՝ Չարենցն իր պապիկն է, իր արյունն է, բայց նա նաեւ հայ ժողովրդի հանճարեղ զավակն է: «Նախորդ տարի բազմաթիվ միջոցառումներ կազմակերպվեցին, եւ ժողովուրդը նրա կողքին կանգնեց, ինչպես Չարենցն էր ժամանակին ժողովրդի կողքին: Չնայած Չարենցն իր կյանքի վերջին տարիներին միայնակ էր, նրան ոչ ոք չէր այցելում, բայց այսօր նրա կողքին է ամբողջ հայ ժողովուրդը: Այդպես էլ պետք է լինի դարերով»,- ընդգծեց Գոհար Չարենցն ու մեջբերեց մեծ գրողի խոսքերը. «Ես եկել եմ դարերից ու գնում եմ հաղթական դեպի դարերը նորից՝ դեպի վառվող ապագան»:

Միջոցառումը կազմակերպել էին Հայաստանի գրողների միությունն ու Չարենցի տուն-թանգարանը:

ԼՈՒՐԵՐ

ՏՊԱՎՈՐԻՉ ԴՐՎԱԳՆԵՐԸ

«Օսկար 2023» մրցանակաբաշխությանը հաջորդել է Vanity Fair-ի երեկոյթը, որին ներկա են եղել ամենաքննարկվող ու սկանդալային աստղերից մի քանիսը: Երեկոյթի ընթացքում նրանք, իհարկե, իրենց ընտրած զգեստներով ու գլամուրային պահվածքով գրավել են համաշխարհային մեդիայի ուշադրությունը:

Բնականաբար, ոչ ոքի աչքից չի վրիպել մոդել Էմիլի Ռատակովսկու գերթափանցիկ զգեստը, որը գրեթե ցուցադրում էր գեղեցկուհու կուրծքը:

Պապարացիների աչքից չեն վրիպել նաեւ լավագույն ընկերուհիներ Քենդալ Ջեններն ու Ջիջի Հադիդը, որոնք տեսախցիկների առջեւ ցուցադրել են իրենց ջերմ համբույրը:

Շքեղ ու տպավորիչ հագուստով աչքի է ընկել նաեւ Քենդալի կրտսեր քույրը՝ Քայլի Ջենները, որը գլամուրային կեցվածք է ընդունել տեսախցիկների առջեւ: Ի տարբերություն նրանց՝ Ջասթին Բիբերը, կարծես, ավելի պասիվ է եղել: Երգիչը նախընտրել է հարմար տեղավորվել բազմոցին ու քիչ հայտնվել տեսախցիկների դիմաց:

ՌԵԿՈՐԴ Է ՄԱՀՄԱՆԵԼ

Իսպանիայի առաջնության 25-րդ տուրում «Բարսելոնան» 1:0 հաշվով հաղթել է Բիլբաոյի «Աթլետիկին»: Այս հաշվի շնորհիվ իսպանացի Չավիի գլխավորած թիմը սահմանել է Լա Լիգայի ռեկորդ. 25 խաղում բաց է թողել ընդամենը 8 գոլ:

Նախորդ ռեկորդը 25 տուրից հետո բաց թողած 10 գոլն էր. 1991-ին սահմանել էր «Աթլետիկոն», 1994-ին կրկնել էր «Ռեպորտիվոն»:

«Բարսելոնան» 65 միավորով գլխավորում է մրցաշարային աղյուսակը եւ երկրորդ տեղում գտնվող Մադրիդի «Ռեալից» առաջ է 9 միավորով:

ԳՈՒՐՍ Է ՄՆԱՅԵԼ

Հայկական արմատներով ռուս թենիսիստ Կարեն Մաչանովը դուրս է մնացել «Ինդիան Ուելս»-ից:

«Ինդիան Ուելս»-ի տղամարդկանց մենախաղի երրորդ շրջանում Կարեն հաջանովը մրցեց իսպանացի թենիսիստ Ալեխանդրո Դավիդովիչ-Ֆոկի-Նայի հետ: 2 ժամ 17 րոպե ձգված մրցախաղում հաջանովը պարտվեց 3-6, 6-1, 4-6 հաշվով:

Կարեն հաջանովը պրոֆեսիոնալ թենիսիստների ասոցիացիայի (ATP) վարկանիշային աղյուսակում 13-րդն է: Նա 4 անգամ հաղթել է միջազգային ֆեդերացիայի հովանու ներքո անցկացվող մրցաշարում: Նա Տոկիոյի 32-րդ ամառային Օլիմպիական խաղերի արծաթե մեդալակիր է: Հայկական արմատներով ռուսաստանցի թենիսիստի լավագույն արդյունքը եղել է 2019 թվականին, երբ նա հասել է Roland-Garros-ի քառորդ եզրափակիչ եւ 2021 թվականին՝ դարձյալ քառորդ եզրափակիչ Ուիմբլդոնում, իսկ 2022-ին նա հասավ US Open-ի կիսաեզրափակիչ: 2023 թվականին էլ հաջանովը դուրս մնաց AusOpen-ի կիսաեզրափակիչից:

ԱՆՈՐԱՂՈՐԶ

ՀԱՄՈ ԲԵԿԵՆԱԶԱՐՅԱՆԻ ՖԻԼՄԵՐՆ ԱՆՓՈՒՄԱՐԻՆԵԼԻ ԵՆ

Ֆրանսիական Nouvel Hay Magazine դարբերականն իր «Երեւ վերականգնված ֆիլմ Փարիզում մարտի 10-ին եւ 11-ին» հոդվածում անդրադարձել է ֆրանսիական Սինեմասեկի «Աւթարիի ողջ հիւնդությունը» միջազգային կինոփառատոնի ընթացքում ցուցադրվելիք Համո Բեկեյանի «Երեւ վերականգնված ֆիլմերն եւ հրադարակել է ցուցադրությունների ծրագիրը:

Պարբերականի անդրադարձը մեջբերել է Հայաստանի ազգային կինոկենտրոնը:

Հոդվածում ասվում է. «Համո Բեկեյանի վերականգնված երեք ֆիլմերը, որոնք կցուցադրվեն «Աշխարհի ողջ հիւնդությունը» կինոփառատոնի շրջանակում, անփոխարինելի ժառանգություն են»:

Հոդվածում ընդգծվում է, որ Համո Բեկեյանի 1920-1950 թվականների սովետական կինոյի ակադեմիկոս կինոգործիչ էր, հայ կինոյի հիմնադիր, խորհրդային կինոյի պատմության մեջ օրինակը չունեցող 30 լիամետրաժ եւ վավերագրական ֆիլմերի հեղինակ: Ըստ պարբերականի՝

Բեկեյանի կինոյի՝ որպես մշակութային էմանսիպացիայի գործիքի ջերմեռանդ պաշտպանն էր ու կողմնակիցը:

Ֆրանսիական Սինեմատեկի հովանու ներքո անցկացվող «Աշխարհի ողջ հիւնդությունը» միջազգային կինոփառատոնի շրջանակում մարտի 10-11-ին կցուցադրվեն Համո Բեկեյանի «Տունը՝ հրաբխի վրա» կինոնկարը՝ նկարահանված 1928 թվականին, «Երկիր Նաիրի» ֆիլմը, որը նկարահանվել է 1930 թվականին, եւ «Դուստրը», որը ռեժիսորը ստեղծել է 1942-ին:

● Մարտի 15-ին «Բոհեմ» թատրոնում տեղի կունենա «Էվոլյուցիա» սթենդապիլը: Տոմսերի արժեքը՝ 3000-6000 դրամ: Սկիզբը՝ ժամը 19:30-ին:



Էջը՝ ՌՈԶԱ ՊՈՐՈՍՅԱՆԻ

ԿՐԹԱԿԱՆ

ՀԱՐՑ. Եթե դիմորդները մրցութային հավասար միավորներ են հավաքում, ապա ո՞ւմ է առավելություն սրվում:

Սարգար Պողոսյան (58 տարեկան)



ՊԱՏԱՍԽԱՆ. Մրցութային հավասար միավորներն ունենալը, ըստ հերթականության, առավելություն է տրվում՝

- 1) բոլոր տարիների մեդալակիր դիմորդներին,
- 2) արվեստի գծով միջազգային եւ հանրապետական մրցույթների հաղթողներին,
- 3) դպրոցականների հանրապետական առարկայական օլիմպիադաների առաջին կարգի դիպլոմ ստացած դիմորդներին,
- 4) Հայաստանի Հանրապետության կառավարության որոշմամբ հաստատված, Հայաստանի Հանրապետության բուհերի առկա ուսուցմամբ տվյալ ուսումնական տարվա մասնագիտությունների եւ ընդունելության քննությունների ցանկում բուհի կողմից Նշված առաջին մրցութային քննությունից առավել բարձր միավոր ստացած դիմորդներին,
- 5) դպրոցի պետական ավարտական քննություններից առավելագույն միջին գնահատական ունեցող դիմորդներին,
- 6) տվյալ մասնագիտությանը համապատասխան միջին մասնագիտական կրթություն ստացած դիմորդներին:

ՀՀ կրթության եւ գիտության նախարարություն

«ԺՈՂՈՎՈՒՐԳ». Տեղեկացնենք, որ փաստաթղթերը ՀՀ ԿԳՆ ներկայացվում են դիմորդի կողմից անձամբ, իսկ եթե դիմողն օտարերկրացի է, ապա տվյալ պետություններում Հայաստանի Հանրապետության դիվանագիտական ներկայացուցչությունների միջոցով:

ՎՃԱՐՆԵՐ

ՀԱՐՑ. Ուզում եմ իմանալ՝ եթե ֆիզիկական անձն իրեն Պատկանող հասարակական նշանակության սարածքը սրամադրել է վարձակալության, ապա ԱԱՀ-ի վճարման դադարադրությունն ունի՞, թե՞ ոչ:

Հայկ Կարապետյան (42 տարեկան)



ՊԱՏԱՍԽԱՆ. Հարցին ի պատասխան՝ հայտնում ենք, որ համաձայն «Ավելացված արժեքի հարկի մասին» Հայաստանի Հանրապետության օրենքի 7-րդ հոդվածի 17-րդ կետի՝ անհատ ձեռնարկատեր եւ (կամ) նոտար չհանդիսացող ֆիզիկական անձանց կողմից անշարժ գույքի վարձակալության գործարքները ԱԱՀ-ով չեն հարկվում (հարկման օբյեկտ չեն համարվում):

ՀՀ պետական եկամուտների կոմիտե

«ԺՈՂՈՎՈՒՐԳ». Նշենք, որ ԱԱՀ վճարող է համարվում որպես ձեռնարկատիրական գործունեություն իրականացնող գրանցված կամ ձեռնարկատիրական գործունեություն վարելու իրավունք ունեցող իրավաբանական անձը: ԱԱՀ-ի դրույքաչափը սահմանվում է 20 տոկոս՝ ապրանքների ու ծառայությունների հարկվող շրջանառության նկատմամբ:

ԼՈՒՐ ԿԱՂԻ

Լուսանկարն արվել է «Զվարթնոց» օդանավակայանում



«Զվարթնոց» միջազգային օդանավակայանում օրերս տեղի ունեցավ «Հայկական ավիաուղիներ» ավիաընկերության բացման պաշտոնական արարողությունը, որի շրջանակներում կայացավ նաեւ ավիաընկերության առաջին չվերթը դեպի Մոսկվա:

ԲԱԺԱՆՈՐԴԱԳՐՈՒԹՅՈՒՆ

Մեր թերթը
Բաժանորդագրվելու
համար կարող եք դիմել

«Հայմամուլ» ՓԲԸ
հեռ. 45-82-00, 45-19-11

«Հայփոստ» ՊՓԲԸ
հեռ. 51-45-46, 51-45-47

«Բլից-Մեդիա» ՍՊԸ
հեռ. 52-5301

Առաքումը՝ **ԱՆՎՃԱՐ:**



Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), եւ մենք անպայման կանդրադարձնանք ձեր բարձրացրած բոլոր խնդիրներին:

ԱՌԱՋԱՐԿ
հայկական տպագիր մամուլից

«Ժողովուրդ» օրաթերթին բաժանորդագրվելու համար կարող եք լրացնել հետևյալ բլանկը եւ ուղարկել Նշված հասցեով: Ամեն օր թերթը կհասնի ձեր նախընտրելի վայր:

Բաժանորդագրության բլանկ

Անուն՝ _____
Ազգանուն՝ _____
Առաքման հասցե՝ _____
Բջջային եւ/կամ քաղաքային հեռախոս՝ _____

Հեռ.՝ (060) 490049
0023, Արշակունյաց 2, 5-րդ հարկ, 518ս.



*«Ժողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետևյալ նախադասությունը.
«Շարունակությունը կարող էք կարդալ «Ժողովուրդ» օրաթերթի այսօրվա համարում»:*

Լրատվական գործունեություն իրականացնող՝ «Ժողովուրդ» թերթի խմբագրություն՝ ՍՊԸ
Հասցեն՝ ք. Երեւան, Աբովյան 22՝/3, հեռ.՝ 010 54-64-23
Պետական գրանցման վկայականի համարը՝ 03Ա089086
տրված է 24.11.2010
Ստորագրված է տպագրության 13.03.2023
Պատկերը/Պատկերակազմը հարցի, 4 հավելումներ 2021

Գլխավոր խմբագիր՝
ՔՆԱՐ ՄԱՆՈՒԿՅԱՆ

Տպագրված է «ԳԻՆՂ» տպարան ՍՊԸ հրատարակչությունում խմբագրություն հանձնված նյութերը չեն գրախոսվում եւ չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում: